

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u vezi sa članovima 42. i 52. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) i članom 5. Programa utroška sredstava u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti“, Budžeta Zeničko-dobojskog kantona za 2025. godinu, broj: 02-11-2375/25 od 07.02.2025. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 77. sjednici, održanoj 18.04.2025. godine, d o n o s i

## **O D L U K U**

**o odobravanju sredstava Općini Kakanj u svrhu sufinansiranja projekta  
„Izgradnja pomoćnog stadiona u Kaknju“ i sanacije mokrih čvorova i pratećih instalacija  
u Mješovitoj srednjoj školi u Kaknju**

### **Član 1. (Predmet)**

Odobravaju se sredstva Općini Kakanj u ukupnom iznosu od 240.000,00 KM (slovima: dvijestotinečetrestiljadakonvertibilnihmaraka) od čega 200.000,00 KM (slovima: dvijestotinehiljadakonvertibilnihmaraka) u svrhu sufinansiranja kapitalnog projekata za 2025. godinu „Izgradnja pomoćnog stadiona u Kaknju“ i 40.000,00 KM (slovima: četrdesethiljadakonvertibilnihmaraka) u svrhu sufinansiranja kapitalnog projekta za 2025. godinu „Sanacija mokrih čvorova i pratećih instalacija u Mješovitoj srednjoj školi u Kaknju“.

### **Član 2. (Isplata sredstava)**

Odobrena sredstva će se isplatiti iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), sa razdjela 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 615100, pozicija „Kapitalni transferi drugim nivoima vlasti“, Izdaci iz budžeta – izvor 10.

### **Član 3. (Ugovor o prenosu sredstava)**

Ovlašćuje se ministar Ministarstva za obrazovanje, nauku, kulturu i sport da potpiše Ugovor o prenosu sredstava sa načelnikom općine Kakanj, sa ciljem realizacije odobrenih sredstava iz člana 1. ove odluke.

### **Član 4. (Realizacija Odluke)**

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

## **Član 5.**

### **(Izvještavanje)**

Korisnik sredstva je dužan da Ministarstvu za obrazovanje, nauku, kulturu i sport dostavi izvještaj o namjenskom utrošku odobrenih sredstava u roku od 15 dana od dana utroška istih, a najkasnije u roku od godinu dana od dana doznačavanja sredstava.

## **Član 6.**

### **(Stupanje na snagu)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-8162/25

Datum, 18.04.2025. godine

Zenica

**PREMIJER**

***Nezir Pivić***

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.